

10. gr.

Gatnagerðargjald byggir á lögum um gatnagerðargjald nr. 17/1996 og reglugerð um gatnagerðargjald nr. 543/1996.

Stofngjald vatnsveitu byggir á lögum um vatnsveitur sveitarfélaga nr. 81/1991.

Holræsagjald byggir á ákvæðum X. kafla vatnalaga nr. 15/1923.

Byggingarleyfisgjald byggir á V. kafla skipulags- og byggingarlaga nr. 73/1997, sbr. 27. gr. byggingarreglugerðar nr. 441/1998.

Samþykkt þessi tekur gildi við birtingu og fellur þá úr gildi gjaldskrá um gatnagerðargjald í Húnaþingi frá 12. nóvember 1998, sem sett var skv. 11. gr. reglugerðar nr. 543/1996 um gatnagerðargjald.

Við þær götur/lóðir í Húnaþingi vestra þar sem einungis hefur verið lagður á og innheimtur A-hluti gatnagerðargjalds fyrir gildistöku samþykktar þessarar, skal miða útreikning, svo og gjalddaga, við ákvæði þeirrar gjaldskrár sem í gildi var er þau gjöld voru álgöð.

Samþykkt af sveitarstjórn Húnaþings vestra eftir 2 umræður 6. maí 2004.

Hvammstanga, 7. júní 2004.

F.h. sveitarstjórnar Húnaþings vestra,

Skúli Þórðarson sveitarstjóri.

LÖGREGLUSAMÞYKKT

fyrir Reykjavíkurborg.

I. KAFLI

Gildissvið.

1. gr.

Samþykkt þessi gildir fyrir lögsagnarumdæmi Reykjavíkurborgar.

II. KAFLI

Um reglu, velsæmi og almennt öryggi á almannafæri.

2. gr.

Með almannafæri er í samþykktinni átt við götur og svæði ætluð til almenningsnota. Ákvæðin um almannafæri gilda einnig eftir því sem við á um aðra staði, sem opnir eru almenningi, s.s. verslanir, veitingastaði, leiktækjastaði, kvikmyndahús, samkomuhús, biðskýli og söfn.

Með leiktækjastað er átt við stað þar sem aðgangur er veittur að leiktækjum, spíla-kössum, knattborðum, tölvum o.þ.h., gegn borgun.

3. gr.

Uppþot, áflog, óspektir eða önnur háttsemi, sem raskar allsherjarreglu, má ekki eiga sér stað á almannafæri, og ekki mega menn þyrpast þar saman, ef það truflar umferð eða veldur vegfarendum öðrum óþægindum.

Enginn má sýna öðrum áreitni á almannafæri eða sýna þar af sér ósæmilega háttsemi.

4. gr.

Bannað er að hafast nokkuð að, sem veldur ónæði eða raskar næturro manna.

Lögreglustjóri getur bannað notkun hátalara, hljómflytningstækja, hljóðfæra eða annars þess háttar á eða við almannafæri, ef ástæða er til að ætla að hún valdi ónæði eða truflun.

5. gr.

Þegar fjölmenni safnast saman á almannafæri við biðstöðvar almenningsvagna, miðasölur, veitingastaði, verslanir og aðra afgreiðslustaði, skal fólk að jafnaði raða sér þannig að þeir, sem fyrstir koma, fái fyrstir afgreiðslu.

6. gr.

Lögreglan getur vísað þeim mönnum í burtu af almannafæri, sem vegna ölvunar eða annarrar háttsemi sinnar valda vegfarendum eða íbúum í nágrenninu ónæði eða hættu.

Borgarstjórn er heimilt að banna neyslu áfengis á tilteknum tímum á tilteknum svæðum borgarinnar. Slíka samþykkt skal tilkynna lögreglustjóra og birta almenningi.

7. gr.

Meðferð vatns við hvers konar þrif utandyra er óheimil nema í frostlausu veðri, ef það veldur rennsli á gangstétt, gangstíg eða götu, þannig að hætta eða óþægindi stafi af.

Í holræsi má ekki veita mengandi efnum svo sem spilliefnum eða efnum sem valdið geta mengun eða skemmdum í holræsakerfinu.

Eiganda eða umráðamanni húss er skylt að fjarlægja af húsi sínu snjó og grýlukerti, sem fallið geta niður og valdið hættu fyrir vegfarendur.

8. gr.

Öllum ber að gæta þess að ganga vel um á almannafæri, valda þar ekki óþrifum og skemma þar ekki hluti, sem ætlaðir eru til almenningnota eða þrýði. Þetta á einnig við þá hluta húsa og annarra mannvirkja, sem liggja að almannafæri.

Enginn má flegja rusli á almannafæri nema í þar til gerð ílát.

Á mannvirki og hluti má ekki mála, teikna eða festa auglýsingar, nema með leyfi eiganda eða umráðamanns. Þá er óheimilt að koma fyrir auglýsingaskilti á almannafæri nema með leyfi borgaryfirvalda. Uppfestar auglýsingar skulu hlutaðeigendur taka niður, þegar þær hafa fullnægt tilgangi sínum, og hreinsa vel staðinn, þar sem þær voru hafðar. Löglega uppfestar auglýsingar má enginn rífa niður, skemma eða gera ólæsilegar á annan hátt.

Hvorki má troða niður né valda með öðrum hætti skemmdum á ræktuðum blettum, grasreitum, blómabeðum og limgerðum á almannafæri.

9. gr.

Leyfi garðyrkjustjóra þarf til, ef halda á samkomur á grænum svæðum borgarinnar.

Umferð báta um Tjörnina er bönnuð, nema með leyfi garðyrkjustjóra.

10. gr.

Borgarstjórn getur sett sérstakar reglur um umgengni í skemmtigörðum, kirkjugörðum, leikvöllum og öðrum slíkum svæðum, enda séu reglurnar festar upp við innganginn eða á öðrum áberandi stað.

11. gr.

Tilkynna skal lögreglustjóra um fyrirhugaðar hópgöngur og útifundi í því skyni, að hann geti gert viðeigandi ráðstafanir varðandi stjórnun umferðar.

12. gr.

Ekki má á almannafæri ganga með logandi blys, kveikja í bálköstum né halda flugeld-
asýningar nema með leyfi lögreglustjóra.

Óheimilt er að nota skotvopn í þéttbýli nema með leyfi lögreglustjóra.

III. KAFLI

Ýmis ákvæði sem varða öryggi og góða reglu.

13. gr.

Lögreglustjóra er heimilt að banna öllum óviðkomandi umferð út í skip sem liggja í höfninni.

14. gr.

Enginn má án leyfis húsráðanda láta fyrirberast á lóðum eða í húsi hans. Ekki má fara í híbýli manna í söluerindum, ef húsráðandi leggur við því bann.

Lögreglan getur bannað mönnum að hafast við á þessum stöðum, ef hún telur það geta valdið óþægindum eða hættu.

Eigi má láta fyrir berast í tjöldum á almannafæri utan sérstakra tjaldsvæða.

15. gr.

Enginn má fleygja rusli eða öðru þess háttar á lóð annars manns. Hver, sem það gerir, skal flytja óhreinindin tafarlaust burt á sinn kostnað.

16. gr.

Ef ís á sjó eða vötnum þykir ekki nógu traustur getur lögreglustjóri bannað alla umferð um hann.

17. gr.

Þegar hús er byggt, rífið, endurbyggt eða flutt, er eiganda eða verktaka skylt að forðast að valda farartálma, hættu eða óþægindum fyrir vegfarendur og skal hann setja upp skilti til leiðbeiningar, eftir því sem við á, sbr. 6. mgr. 18. gr. Ef um farartálma verður að ræða skal gatnamálastjóra og lögreglustjóra tilkynnt þar um og farið að fyrirmælum þeirra um aðgerðir vegna þess.

Girðingar, sem hafa verið reistar vegna mannvirkjagerðar, skal fjarlægja, þegar þeirra er ekki lengur þörf.

Þegar hús eða annað mannvirki brennur eða það er tekið burt, án þess að annað sé byggt í staðinn, er eiganda skylt að ganga svo frá hússtæðinu án óparfa tafar, að ekki stafi af því hætta, óþrifnaður eða óprýði.

IV. KAFLI

Um ökutæki, umferð o.fl.

18. gr.

Á almannafæri má ekki leggja eða setja neitt það sem hindrar umferð.

Ekki má gera skurð í gangstéttir, götur, torg eða önnur svæði, né raska þeim á annan hátt, þannig að truflað geti umferð, nema með leyfi gatnamálastjóra og tilkynningu til lögreglustjóra. Að verki loknu skal færa það í samt lag sem raskað var með fullnægjandi hætti að mati gatnamálastjóra.

Þegar gerður er skurður í gangstétt, skal sá, sem verkið vann, sjá um að gangandi vegfarendum sé séð fyrir göngubraut. Slík verk skulu unnin þannig, að sem minnstur farartálmi verði. Þess skal ætíð gætt að vegfarendur séu aðvaraðir um farartálmann með nægilega greinilegum ljósum þegar dimmt er.

Lögreglustjóri gerir þær ráðstafanir, er honum þykir þurfa, til að afstýra hættu fyrir vegfarendur, í samvinnu við gatnamálastjóra. Getur hann bannað umferð um götur að nokkru eða öllu leyti meðan á verki stendur eða skipað fyrir um hvernig umferðinni skuli hagað. Einnig getur hann ákveðið að skurðir í götur séu byrgðir og uppgröftur fjarlægður þannig að umferð sé óhindruð um göturnar á þeim tíma, sem ekki er unnið, svo sem að næturlagi og um helgar. Þá getur lögreglustjóri, ef hann telur framkvæmdir dragast um of, látið setja í samt lag það sem raskað var, á kostnað þess sem verkið átti að vinna.

Sé nauðsynlegt að loka gangstétt vegna framkvæmda skal hjáleid tryggð og afgirt frá umferð ökutækja í miðborginni og annars staðar þar sem umferð er mikil.

Skilti til leiðbeiningar fyrir ökumenn vegna framkvæmda sem truflað geta umferð skulu sett upp að höfðu samráði við gatnamálastjóra.

19. gr.

Bifreiðar sem eru meira en 5 tonn að leyfðri heildarþyngd mega ekki standa á götum eða almennum bifreiðastæðum borgarinnar á tímabilinu milli kl. 22.00 og 06.00. Bann þetta gildir einnig um hvers konar vinnuvélar og dráttarvélar án tillits til þunga þeirra.

Borgarstjórn getur veitt undanþágu frá banni þessu og skal þá afmarka og merkja sérstaklega þá staði, þar sem undanþágan hefur verið veitt. Jafnframt getur gatnamálastjóri veitt tímabundna undanþágu, s.s. vegna verklegra framkvæmda.

Lögreglustjóri getur bannað stöðu eftirvagna og tengivagna, s.s. hestaflutningavagna, dráttarkerra og hjólhýsa, og þess háttar tækja á götum og almennum bifreiðastæðum, sem þykja valda ónæði, óþrifnaði eða hættu.

20. gr.

Allur akstur torfærutækja s.s. torfæruhjóla og vélsleða er bannaður innan þéttbýlis og skilgreindra útivistarsvæða. Borgarráð getur þó heimilað undanþágu frá þessu ákvæði á afmörkuðum svæðum og skal sú ákvörðun tilkynnt lögreglustjóra.

21. gr.

Þeir, sem flytja farm um götur borgarinnar, skulu gæta þess vandlega að ganga þannig frá farminum, að ekki valdi óþrifnaði. Ef eitthvað slæðist eða hrynur niður á almannaferi við flutninginn, fermingu eða affermingu, er stjórnanda flutningstækis skylt að hreinsa það upp þegar í stað.

V. KAFLI

Um veitingastaði, skemmtanahald o.fl.

22. gr.

Veitingastaði er heimilt að hafa opna allan sólarhringinn. Stafí íbúum í nágrenni veitingastaðar ónæði af rekstrinum getur borgarstjórn þó takmarkað opnunartíma hans.

Um veitingastaði, þar sem heimilaðar eru áfengisveitingar, gildir að þeim skal lokað þegar heimiluðum veitingatíma áfengis lýkur og má ekki opna þá að nýju að morgni dags fyrir en a.m.k. tveimur klukkustundum eftir að heimiluðum veitingatíma áfengis lýkur. Allir gestir skulu hafa yfirgefið veitingastaðinn eigi síðar en einni klukkustund eftir lokun hans.

Lögreglustjóri getur heimilað veitingastað að reka starfsemi sína utandyra á almannaferi með samþykki gatnamálastjóra, enda takmarki það ekki umferð um svæðið.

23. gr.

Hver sá, sem rekur veitinga- eða gististað, kvikmyndahús, leikhús eða annað samkomuhús, eða heldur almenna skemmtun eða sýningu, skal sjá um að allt fari þar vel fram og að starfsemin valdi ekki nágrönnum eða vegfarendum ónæði.

Slík starfsemi skal háð sérstöku eftirliti lögreglu og er henni heimilt að fara um samkomusali og önnur húsakynni, sem gestir eiga aðgang að.

Þar sem heimilt er að sýna nektardans á næturklúbbi (nektardansstað), skal tryggt að sýning fari fram í rúmgóðu húsnaði og er sýnendum óheimilt að fara um meðal áhorfenda. Hvers konar einkasýningar eru óheimilar.

24. gr.

Nú telur lögregla reglu á skemmtun þannig að eigi sé fært að halda henni áfram og er henni þá heimilt að ákveða að skemmtun skuli slitið. Er gestum þá skylt að yfirgefa staðinn þar sem skemmtunin fer fram.

25. gr.

Enginn má reka leiktækjastað, þar sem börnum er heimilaður aðgangur án fylgdar forráðamanna, nema að fengnu leyfi lögreglustjóra. Áður en lögreglustjóri veitir leyfi aflar hann umsagna byggingarfulltrúa og Félagsþjónustu Reykjavíkurborgar, sem metur hvort reksturinn uppfylli þær kröfur sem gerðar eru til aðbúnaðar barna.

Leyfi skal ekki veitt til lengri tíma í senn en fjögurra ára. Það skal bundið við nafn leyfishafa og rekstur á tilteknum stað. Lögreglustjóri ákveður gjald fyrir leyfið.

Ef leyfishafi brýtur gegn ákvæðum greinar þessarar eða reksturinn þykir ekki fara vel úr hendi, getur lögreglustjóri svipt hann leyfinu, enda hafi leyfishafi ekki látið segjast við aðvörun.

Börnum yngri en 14 ára er ekki heimill aðgangur að leiktækjastöðum, nema í fylgd með forráðamönnum. Miða skal aldur við fæðingarár en ekki fæðingardag.

Lögreglustjóri getur sett nánari reglur um eftirlit og umgengni á leiktækjastöðum að fengnum tillögum félagsmálaráðs.

VI. KAFLI

Um verslun á almannafæri.

26. gr.

Opnunartími verslana og annarra þjónustufyrirtækja er frjálts að því marki sem heimilt er að lögum er gilda á hverjum tíma eða reglum sem settar eru samkvæmt þeim. Borgarstjórn getur þó takmarkað opunar- eða þjónustutíma hjá einstökum aðilum ef starfsemin veldur nágrönnum eða vegfarendum ónæði.

27. gr.

Enga atvinnu, sem tálmar umferð, má reka á almannafæri.

Borgarstjórn er heimilt að setja samþykktir um farandsölu og sölu á götum og torgum.

VII. KAFLI

Um dýrahald.

28. gr.

Um dýrahald fer eftir sérstökum samþykktum, s.s. samþykkt um hundahald í Reykjavík, samþykkt um kattahald í Reykjavík og samþykkt um takmörkun búfjárhalds og bann við lausagöngu búfjár í Reykjavík.

VIII. KAFLI

Um gildi samþykktarinnar, refsingar, kostnað o.fl.

29. gr.

Ef einhver lætur það ógert, sem honum er skylt að gera samkvæmt samþykktinni eða reglum settum samkvæmt henni, getur lögreglustjóri látið framkvæma það eða gert aðrar nauðsynlegar ráðstafanir til að hindra að vanrækslan valdi tjóni.

Kostnaður við þetta og kostnaður, sem leiðir af þeim ráðstöfunum, er lögreglustjóri gerir til þess að hindra brot á samþykktinni, greiðist af þeim sem ábyrgð ber eða, ef hann er eigi fær um það, úr ríkissjóði.

30. gr.

Brot gegn samþykkt þessari eða reglum sem settar eru samkvæmt henni, varða sektum nema þyngri refsing liggja við samkvæmt öðrum lögum. Refsimál vegna slíkra brota skulu rekin að hætti opinberra mála.

31. gr.

Lögreglusamþykkt þessi, sem borgarstjórn Reykjavíkur hefur samið og samþykkt samkvæmt lögum um lögreglusamþykktir nr. 36/1988, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Jafnframt er numin úr gildi lögreglusamþykkt fyrir Reykjavík nr. 625/1987, með áorðnum breytingum.

Dóms- og kirkjumálaráðuneytinu, 3. júní 2004.

Björn Bjarnason.

Kristrún Kristinsdóttir.

SAMÞYKKT**um stjórn og fundarsköp Sveitarfélagsins Álftaness.**

I. KAFLI

Um skipan bæjarstjórnar og verkefni hennar.

1. gr.

Skipan bæjarstjórnar.

Bæjarstjórn Álftaness er skipuð sjö fulltrúum kjörnum samkvæmt lögum um kosningar til sveitarstjórna nr. 5/1998, sbr. 8. gr. og 12. gr. sveitarstjórnarlaga nr. 45/1998.

2. gr.

Starfstímabil.

Starfstímabil bæjarstjórnar hefst 15 dögum eftir kjördag í sveitarstjórnarkosningum og gildir til jafnlengdar að fjórum árum liðnum.